



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU **STRANKE REGIJE LIVNO**

Broj: 03-07-6-255/14
Sarajevo, 09. april 2015. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke regije Livno za 2013. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Stranka regije Livno prekršila odredbe člana 5. stav (4), člana 11. i člana 12. stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke regije Livno za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka regije Livno se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	120,00	25,53%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,12	0,03%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	350,00	74,44%
7	Prihodi iz budžeta (3-f)	0,00	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	470,12	100,00%
II	Kreditno zaduženje kod banaka	0,00	0,00%
	Izvori finansiranja (I+II)	470,12	100,00%

U godišnjem finansijskom izvještaju stranka je iskazala ukupne rashode u iznosu od 497,90 KM.

2. PREDSTAVLJANJE POLITIČKE STRANKE

Naziv političke stranke je Stranka regije Livno. Skraćeni naziv je SRL.

Stranka je registrovana kod Općinskog suda u Livnu broj upisa: 068-0F1-10000001 od 26.04.2010. godine, sa sjedištem u Livnu, ulica Kneza Višeslava 3b.

Lice ovlašteno za zastupanje stranke je Antonio Džaja, predsjednik stranke.

Lice ovlašteno za podnošenje finansijskih izvještaja stranke za 2013. godinu je Antonio Džaja.

Prema podacima iz godišnjeg finansijskog izvještaja za 2013. godinu, Stranka regije Livno nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke regije Livno za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke regije Livno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U periodu od 2010. do 2012. godine izvršen je pregled godišnjih finansijskih izvještaja Stranke regije Livno, nakon kojih su izdati izvještaji o pregledu sa mišljenjem revizora i nalazima revizije.

Nakon izvršenog pregleda godišnjeg finansijskog izvještaja Stranke regije Livno za 2012. godinu, izdat je izvještaj o pregledu sa mišljenjem revizora, nalazima i preporukama stranci da vodi evidencije o svojim приходima i rashodima i finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka, te da na zahtjev Centralne izborne komisije BiH dostavlja dodatnu dokumentaciju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da je Stranka regije Livno djelimično ispoštovala date preporuke.

5. NALAZI I PREPORUKE

5.1. NALAZI

a) Stranka regije Livno je prekršila odredbe člana 5. stav (4) i 12. stav (3) Zakona o finansiranju političkih stranaka.

- Pregledom je utvrđeno da su tri člana stranke putem blagajne, u gotovini izvršili uplatu članarine u ukupnom iznosu od 90,00 KM. Stranka je navedena sredstva bila dužna uplatiti na transakcijski račun stranke.

Obzirom da navedena sredstva nisu uplaćena na transakcijski račun, stranka je postupila suprotno odredbama člana 5. stav (4) Zakona o finansiranju političkih stranaka.

Takođe, stranka je bila dužna članovima koji su izvršili uplatu članarine izdati potvrdu. Na zahtjev Centralne izborne komisije BiH stranka je umjesto potvrda dostavila kopiju blagajničkog naloga o prijemu novca. Neizdavanjem potvrda članovima koji su uplatili članarinu stranka je prekršila odredbe člana 6. stav (1) Pravilnika o godišnjim finansijskim

izvještajima političkih stranaka i odredbe člana 12. stav (3) Zakona o finansiranju političkih stranaka.

- Na osnovu obavljenog pregleda, utvrđeno je da Stranka regije Livno, godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka, jer je stranka u obrascu 4-2 finansijskog izvještaja (Troškovi kampanje) iskazala troškove usluge za izradu internet stranice, održavanje e-mail adrese i internet primidžbe, čime je prekršila odredbe člana 12. stav (3) Zakona o finansiranju političkih stranaka i odredbe člana 21. i 23. Pravilnika o godišnjim finansijskim izvještajima političkih stranaka.

b) Stranka regije Livno je prekršila odredbe člana 11. Zakona o finansiranju političkih stranaka.

Pregledom je utvrđeno da je stranka imala nepotpune evidencije i nije vodila poslovne knjige za 2013. godinu.

U propratnom aktu o dostavljanju dodatne dokumentacije stranka je dala izjavu da dostavlja Bruto bilans te da nije vodila poslovne knjige te da zbog toga nema glavnu knjigu.

Nevođenjem poslovnih knjiga stranka je postupila suprotno odredbama Zakona o računovodstvu i revizije Federacije Bosne i Hercegovine i odredbama člana 11. Zakona o finansiranju političkih stranaka.

5.2. PREPORUKE

Preporučuje se Stranci regije Livno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uplate članarina izvrši na transakcijski račun stranke i da izdaje potvrde po prijemu iste,*
- *da vodi poslovne knjige u skladu sa Zakonom o računovodstvu i reviziji i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Stranka regije Livno nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

šef Odsjeka za revizijske poslove

Sanja Tošović

Revizor

Veliborka Kenjić

šef Službe za reviziju

mr. sc. Hasida Gušić